

## Коммунистин үлгүр

Приозерн района „Сухотинский“ совхозд ах малч болдж Мучкан Эрдни кӧдлджәнә. Эрдни 60-гарсн наста кун. Болв кӧдлмшәрн болхла ода чигн багъ-чиирг улст бәрн авгдад одш уга.

Мучкан Эрдни урднь чигн үзмджтә сәәнәр кӧдлдж йовсми. Советин йосн Хальмг танъгъчд делгрхд, 1918 джилд эврәннь дурар Улан Цергт морлдж, гражданск дән тӧгстл йовсми. 1927 джилд Коммунистическ партин членд орад, гучн джилин туршарт тер кундтә нериг кӧдлмшәрн туурулдж йовб.

Коммунистическ партъ болн Советск правительств селәнә эдл-ахун кӧдләчирин ӧмн, ахр цагин эргцд Америкин Соединенн Штатсиг, әмн болгъна тоод мах, үс болн тос гаргъдж авлгъарн кӱцхми гидж тӧр тәвси цагт, коммунист Мучкан Эрдни чидлән хармилго кӧдлджәнә. Эрднин асрджах малнь ода сән чинәтә кевәр үвлзлгънд орджана. Нег чигн гару угагъар малан үвлин цагас асрдж авч гархин тӧлә Эрдни эврәннь кӧдлмшин ик дамшлтан олзлдж кӧдлджәнә.

М. НАТЫРОВ,  
КПСС-н райкомин инструктор.